

Mein erschte Fuar(ch)

Ih war nuh hübsch a kloaner Bua,
hat ma(r) der Vader gebm in Pflua(g)
und ih hab 'n packt fest wie an Stier
und hab drauf gsagt zan Rossn: „Hüah!“

Weil aber unser Bodn loahmi
und mitunter a recht stoani,
so hat's mih grissn hin und her –
ih war in Pflua(g) a z'gringer Herr.

D' Würm und d' Käfer san vürakreut
und habm groß gschaut, wer ackert heunt?
Ah! Unsern Bau(er)n sein kloaner Bua
zoigt in Gottsnam sein erschte Fuar(ch).